

## Basa Sunda - Kasalametan Kitab Suci - Salvation Scriptures

Epesus 2:2 Aranjeun teh, hirup dina eta kadorakaan sabab nurutkeun hawa dunya, muhit ka roh-roh gaib anu jarahat. Eta roh-roh jahat teh geus ngageugeuh jelema-jelema anu kiwari ngalawan ka Jehovah.

Mateus 6:10 Karajaan Ama mugi rawuh, Pangersa Ama mugi laksana di dunya, sapertos di sawarga.

Lukas 22:42 “Duh Ama, manawi kenging mah, candak ieu lumur kasangsaraan teh ti abdi; Sanaos kitu, ulah numutkeun panuhun abdi, nanging pangersa Ama nu kedah laksana.”

Yahya 16:7-9 Tapi masing percaya, Kami iang teh hade temahna ka maraneh. Sabab lamun Kami henteu iang, nu baris ngaping teh moal sumping. Sabalikna, mun Kami iang, nya Kami nu baris ngutus Anjeunna ka maraneh. 8 Di mana Anjeunna geus sumping, baris nginsafkeun umat dunya kana dosa-dosana, kana kayaktian, jeung kana kaadilan. 9 Sual dosa-dosana, nya eta: Maranehna teu palercaya ka Kami,

2 Timoteus 2:10 Tur bapa oge daek ngawayahnakeun maneh, dina nandanganana; sangkan jelema-jelema anu ku Jehovah geus dipilih teh, marareunang kasalametan sarta kamulyaan anu langgeng, ku manunggalna jeung Isa Al Masih. Ieu picatur di handap teh, bener:

Rum 15:20,21 Ngawawarkeunana ge ka tempat-tempat anu sama sakali can ngadenge jenengan Al Masih. Atuh simkuring teh, pohara ngarasa agulna lantaran tetela, ngawangun teh di tempat anu sama sakali can aya tapak batur. 21 Eta teh saluyu jeung tulisan dina Kitab Suci: ‘Jelema-jelema anu tadina can kasumpingan, malah eta nu baris diparengkeun narenjo ka Anjeunna. Anu tadina can kawawaran, malah eta nu baris diparengkeun ngadareng jeung ngalarti kana hal eta.’

Carios Padamelan 2:36,37 Ku sabab eta, sakumna bangsa Israil kudu terang kalawan pasti, yen Isa anu ku aranjeun geus dihukum gantung teh ku Jehovah geus dijenengkeun Gusti Jungjunan jeung Al Masih.” 37 Barang ngadareng hal eta, jelema-jelema teh mani tinghareruk ngarasa kagagas. Tuluy maranehna naranyakeun ka Petrus jeung ka rasul-rasul sejenna, “Kedah kumaha atuh simkuring teh, dulur-dulur?”

Ibrani 4:2 Padahal maranehna oge kawas urang ngadareng uaranana. Tapi tetela, eta uaran anu sakitu pentingna teh, pikeun maranehna mah teu aya berkahna lantaran ngadareng ge embung percaya.

Jeremia 24:7 'Djeung deui kami ka eta tangtoe maparin hate baris nganjahokeun ka kami, jen kami teh Pangeran; sarta eta bakal oemat kami, ari kami bakal Jehovahna; karena eta bakal tarobat ka kami teroes reudjeung

hate.

Carios Padamelan 16:14 Salah saurangna mah, nya eta tukang dagang lawon wungu, — jalma ibadah ka Jehovah, asal ti kota Tiatira — ngaranna Lidia; Hatena ku Jehovah dibukakeun nepi ka saregep pisan ngabandunganana kana caritaan Paulus.

Mateus 13:14,15 Jadi, pangwawaran Yesaya teh keuna ka maranehna, nya eta: 'Ku maraneh bakal kadenge deui, kadenge deui, ngan teu terus jeung dihartikeunana. Bakal katenjo deui, katenjo deui, ngan weleh teu dipaduli. 15 Sabab eta bangsa, hatena geus teu mental, pangdengena geus mintul, matana geus dipeureum-peureumkeun; malar matana tong kungsi nenjo, ceulina ulah kungsi ngareungeu, sieuneun matak kaharti ku hatena, sieuneun tarobat sarta ku Kami disina waraluya.'

Jesaja 6:9,10 'Ari timbalanana: Maneh geura leumpang, bedjakeun ka ijeu bangsa: Maraneh bakal ngadenge koe tjeuli, tatapi moal ngaharti; sarta bakal molotot koe panon, tatapi moal nendjo. 10 'Hate " ijeu bangsa sina mintoel, ari tjeulina sina hese ngadengena, sarta panonna peureumkeun; soepaja oelah nendjo koe panon, djeung oelah ngadenge koe tjeuli, djeung oelah ngaharti koe hate, djeung oelah tobat, sarta oelah ditjageurkeun.

Markus 4:11,12 Dawuhan Anjeunna, "Ka maraneh mah, rasiah Karajaan Jehovah teh diguar, dibuka. 12 Ka nu di luareun maraneh mah, dicaritakeunana teh ngan ku silokana bae, nepi ka maranehna mah: nenjo mah nenjo, tapi tetep teu awas; ngadenge mah ngadenge, tapi tetep teu ngarti, supaya teu babalik pikir sarta dihampura."

Yahya 12:39,40 Pantès atuh, teu daraek percaya oge, sabab saur Nabi Yesaya keneh: 40 "Ku Anjeunna panon maranehna disina lolong, sina baredegong nareuaskeun hate, datang ka teu arawas sanajan beunta, hatena henteu daraek narima, seug tarobat, malar bisa diwaluyakeun ku Kami."

Rum 11:7,8 Jadi, kumaha cindekna? Kieu: Urang Israil teh henteu kabeh bisa ngahontal udaganana, ngan anu kapilih bae. Nu sejen-sejenna mah geus naleugtreug. 8 Cek Kitab: 'Maranehna ku Jehovah disina talibra. Matana sina teu arawas, ceulina sina norek, tug nepi ka kiwari.'

2 Tesalonika 2:10,11 Cilaka sakur anu nolak kana kayaktian nu mawa kana jamuga; sabab pasti, maranehna, kagoda ku rupa-rupa tipu dayana. 11 Batin maranehna ku Jehovah disina lolong, nepi ka percaya ka anu nipu merdaya.

Mateus 13:18-23 Ku sabab eta, ayeuna, dengekeun katerangan siloka nu tebar bieu teh, tuluy lenyepan. 19 Satiap nu ngadenge dawuhan anu nerangkeun Karajaan Sawarga, tapi teu bisa ngahartikeunana; nu karitu teh bakal didatangan si jahat. Binih anu geus dipelak dina hatena tea, dirampas; eta hartina binih anu ragrag kana sisi jalan teh. 20 Binih anu ragrag kana tanah cadas tea, ngagambarkeun jelema anu ngadenge sarta sukaeun narima kana eta dawuhan. Tapi nya kitu, henteu ngakar dina hatena teh. Jadi, umurna henteu bisa lila. 21 Lamun nyorang siksaan jeung panganiaya tina

sabab dawuhan tea, terus bae manehna teh murtad. 22 Binih anu ragrag kana rungkun cucuk tea, ngagambarkeun jelema nu geus ngadenge dawuhan, tapi tina sabab rupa-rupa kahariwang dina hirupna; jeung deui, ku lantaran kabongroy ku kabeungharan, eta dawuhan teh kadeseh, teu bisa walakaya. 23 Anu ditebar dina taneuh anu subur, ngagambarkeun jelema anu geus ngadenge dawuhan tea, bari jeung bisa ngahartikeunana. Ku sabab eta, binih dawuhan teh nepi ka bubuah. Buahna aya nu saratus tikeleun, aya nu genep puluh tikel sarta aya oge anu tilu puluh tikel lobana.”

2 Korinta 3:15,16 Sabab dipangmacakeun Kitab Nabi Musa ge, urang Israil mah, — nepi ka kiwari oge — tetep bae batinna teh kapindingan. 16 Sabalikna, pikeun jelema anu mantep ka Gusti mah, hal-hal anu matak mindingan teh tangtu leungit.

Jesaja 30:28 'djeung napasna lir waloengan keur tjaa..h, noe oenggah nepi kana beuheng; kersana ngajak oerang kapidir koe ajakan kagaplahan; sarta tjatjapek bangsa-bangsa bakal diterapan kadali panjasaban.

Hosea 11:3-7 'Padahal kami noe mapahkeun Epraim, sarta dipangkoe koe panangan; tapi teu nganjarahokeun, jen nja kami noe njageurkeun ka maranehanana. 4 'Koe kami pada ditarik koe beubeur manoesa, koe tali kaasihan; sarta lampah kami ka darinja tjara noe ngadjoengdjoengkeun sawed pasangan tina gadona, bari koe kami disodoran baranghakan. 5 'Moal pibalikeun deui ka tanah Mesir; nja Asoer noe pidjadieun radjana, sabab aremboengeun tobat. 6 'Ari pedang bakal moebat-mabit di djero nagara- nagarana, bari mejakkeun toelaktoelakna datang ka leboer, tina tarekah maranehanana. 7 'Ari oemat kami pada moentang kana moengkir ka kami; masih ditjareloekan ka noe Leuwih Agoeng, hidji ge taja noe ngaloehoerkeun ka andjeunna.

Carios Padamelan 26:18 Nya, pikeun ngabeunta-beuntakeun panonna, malar bisa maralik ti nu poek ka nu caang sarta tina genggeman kawasa Setan ka kersa Jehovah. Supaya lamun geus palercaya ka Kami, dosana meunang panghampura sarta sina kabagian ganjaran anu geus disadiakeun pikeun jelema-jelema anu geus disucikeun.’

2 Timoteus 2:24-26 Padahal nu jadi abiding Gusti mah, teu meunang papaseaan sarta salawasna kudu someah ka sarerea. Kudu jadi guru anu luhung, lantip, sabar, 25 sarta lemah-lembut dina nyanghareupan lawan. Malakmandar lawan teh ku Jehovah dipaparinan jalan kana pertobat, nya eta daek narima kayaktian, 26 lilir pikirna lantaran diuculkeun tina cangkereman Iblis anu ngawasaan maranehna.

Wahyu 3:17-19 Ceuk maneh: “Aing beunghar, mukti, euweuh kakurang!” Teu nyaho yen keur masakat, pikawatireun, nya muluntu nya lolong! 18 Nasehat Kami: Beuli emas ti Kami, emas tulen, supaya jadi beunghar. Beuli ti Kami papakean bodas ngeplak, pikeun mungkus eta awak nu bulucun matak aeb. Jeung beuli peureuh ti Kami, peureuhan eta mata malar awas. 19 Maneh ku

Kami diseukseukan, diwarah, bawaning Kami nyaah. Kudu wayahna, geura tobat.

2 Korinta 7:10 Nalangsa anu sapuk jeung pangersa Jehovah mah, nungtun kana pertobat, matak jamuga sarta moal matak kaduhung. Sabalikna, nalangsa ku lantaran barang dunya mah, nungtun kana pipaeheun.

1 Radja 18:37 'Moegi geura ngawalon, noen Pangeran! moegi geura ngawalon; soepaja ijeu djalmadjalma pada nganjahokeun, jen andjeun, Pangeran! estoe djoemeneng Jehovah, sareng nja audjeun noe malikkeun hate- hatena ka toekang.

2 Korinta 4:4 nya eta anu teu palercaya, anu pikirna geus lolong ku Iblis. Eta sababna, maranehna nepi ka teu awas kana cahaya Injil anu nyumiratkeun kamulyaan Al Masih, nu jadi kanyataan Jehovah.

Lukas 8:11-15 Eta misil hartina kieu: Binih, nya eta Sabda Jehovah. 12 Binih nu ragragna di sisi jalan; hartina, Sabda teh aya nu ngadarengkeun. Tapi ku Iblis, geuwat dipupus tina hatena supaya jelemana ulah percaya, ulah salamet. 13 Anu ragragna kana tanah cadas; hartina, binih teh ku nu ngadenge ditarima kalawan gumbira. Tapi henteu terus nyerep kana hatena, jelemana percayana ngan sakeudeung, ana nandangan dodoja mah terus murtad. 14 Anu ragragna kana rungkun cucuk; eta Sabda teh didenge, tapi saterusna jelemana dirobada ku rasa salempang, kabengbat ku kabeungharan, jeung kagoda ku kasenangan; Sabda teh terus kalindih, berkahna henteu kaala. 15 Anu keunana kana taneuh anu hade; hartina, sabda teh didenge, ditarimana, diimankeun kalawan tigin, ngahasilkeun buah kalakuan anu hade.”

Carios Padamelan 15:11 Ari soal pisalameteun mah, kaayaan urang jeung maranehna teh sarua bae. Sabab anu jadi lantaran urang bisa salamet mah, nya eta upama urang percaya kana sih kurnia-Na Isa, Gusti Jungjunan urang.”

Rum 8:13 Kapan hirup nurutkeun badani mah, temahna teh paeh. Jadi, kahutangan teh ku Ruh, anu maehkeun jasad nu pinuh ku dosa sarta anu nungtun kana sajatining hirup.

Pastor T. John Franklin  
Church of Salvation, Healing, and Deliverance  
COS-HAD.org